

Powšitkowne WOZJEWJENJA

njedźelu, 12. meje 2024

Mejski nyšpor a sobustawska zhromadźizna

Chróšćanske Bratstwo swjateho Bosćana přeprošuje wšitkich na mejski nyšpor, kotryž budže wutoru, 14. meje, w 19.00 hodź. we wosadneje cyrkwi. Přizamknje so sobustawska zhromadźizna bratstwa na farje.

Mejski nyšpor TCM

Towarstwo Cyrila a Metoda z.t. (TCM) přeprošuje na mejski nyšpor, kotryž budže njedźelu, 26. meje, w 17.00 hodź. w Róžeńčanskej swjatnicy. Wšitcy su wutrobnje witani.

Modlenje w Róžeńće

Na modlenje před Najswjećišim su wěriwi sobotu, 25. meje, we 18.00 hodź. do Róžeńčanskeje hnadowneje cyrkwy přeprošeni. Pačerje budu w serbskej a němskej rěči spěwane.

Nalětni koncert chóra Lipa

Chór Lipa přeprošuje zhromadnje z Křesćansko-socialnym kubłanskim skutkom wšitkich zajimcow na nalětni koncert, a to njedźelu, 26. meje, w 15.30 hodź. na zahrodze Zežiwjenskeho a zeloweho centruma w klóštrje Marijinej hwězdze w Pančicach-Kukowje. Program wuhotuja Lipjenjo, Lipjanska džěcina „Lipki“ a Njebjelčanski cyrkwiniski chór. Wot 15.00 hodź. poskića tam kofej a tykanc.

Ekumeniska Boža služba

Na swjatkownu ekumenisku Božu službu ze superintendentom Krystofom Rummelom kaž tež z fararjomaj Johannesom Weigelom a Michaelom Kleinerom su wšitcy wěriwi a na wěrje zajimowani do parka Smochčanskeho kubłanišća swjateho Bena přeprošeni. Nutrnosť zahaji so sobotu, 18. meje, we 18.00 hodź.

Zjězd katolikow w Erfurće jedyn dzeń dožiwić

Lětuši 103. zjězd katolikow pod hesłom „Přichod ma čłowjek pokoja“ wotměje so wot srjedy 29. meje, do njedźele, 2. junija, w Erfurće – runje wokoło swjedženja Božeho ćěla. Tute wulke zetkanje křesćanow w poměrnje bliskim měsće skići pak tež móžnosće, z druhimi wěriwymi so zetkać, z nimi sej mysle wuměnić a so zhromadnje modlić. Towarstwo Cyrila a Metoda z.t. (TCM) poskića wěriwym ze serbskich wosadow sobotu, 1. junija, busowu jězbu do Erfurta, tak zo móža so wšitcy potom njedźelu doma na Božich službach z procesionom wobdźělić. Bus wotjědže w 6.30 hodź. z Radworja (pola Šmitec) a w 7.00 hodź. z Chróśćic (wot sportnišća) a dojedže wokoło 10.00 hodź. do Erfurta. Tam so we 18.00 hodź. zaso na dompuć nastaji. W Erfurće změja wobdźělnicy składnosć, sej wobdźělenje na zjězdze po swójskich přechach zarjadować. Program zjězda je pod www.katholikentag.de wozjewjeny.

Přinošk za jězbu wučinja 35 eurow na wosobu. Štóž chce so z TCM na wulkozarjadowanje do Erfurta podać, njech so prošu w redakciji Katolskeho Posoła, telefonowe číslo (0 35 91) 55 02 12, abo z e-mailku na TCM@posol.de přizjewi.

Wulět samostejacych

Wulět samostejacych ze serbskich wosadow budže wutoru, 4. junija, a powjedže do srjedźneje Łužicy. Wšitcy su wutrobnje přeprošeni, tež či, kotřiž njesu samostejacy. Zajimcy měli so w redakciji Katolskeho Posoła, telefonowe číslo (0 35 91) 55 0212 přizjewić.

Dalekubłanje na polu prewencije před seksualizowanej namocu

Prewencija přećiwo seksualizowanej namocy je wažny wobstatk džěła z džěćimi a młodžinu we wosadach. Jeje zaměr je, nowu kulturu wjazomnje zhromadnosće wuwijać. Za to trěbne su prewentiwne struktury a procesy. We Worklečanskim Don Boskowym domje poskića k tomu dalekubłanja, a to na třoch terminach: pjatk, 24. meje, wot 18.00 do 21.00 hodž. kaž tež po pónđzelomaj, 3. a 10. junija, tohorunja stajnje wot 18.00 do 21.00 hodž. Z terminow móža sej zajimcy jedyn wuzwolić. Wšitcy přewodnicy ministrantow na lětušim putnikowanju do Roma kaž tež pomocnicy na nabožnych prózdninskich dnjach we wosadach, ale tež dalši čestnohamtscy, na přikład w sakristiji, při wudžělenju swjateho woprawjenja abo ze šolu, abo či, kotřiž z džěćimi a młodostnymi we wosadach džěłaja, su cyle wutrobnje přeprošeni. Přizjewjenja přijimuju online. Link k tomu kaž tež k dalším wažnym informacijam je pod www.posol.de wozjewjeny. Ličba wobdžělnikow za dalekubłanje je přeco na 20 wobmjezowana.

Dny rozpominanja z filmom

Pod hesłom „Domizna – z mnohimi prašenjemi“ přeprošuje Smochčanske kubłanišćo swjateho Bena na dny rozpominanja z filmom, kotrež wotměja so wot srjedy do njedźele, 19. do 23. junija. Referentaj budžetaj Michaela Hrjehorjowa z Rěčneho centruma WITAJ w Budyšinje a Lipšćanski farar Thomas Bohne, oratorian a člon katolskeje filmoweje komisije Němskeje biskopskeje konferency. Přizjewjenja přijimuju hač do štwórtka, 30. meje. Link z nadrobnišimi informacijami je pod www.posol.de wozjewjeny.

Z kolesom putnikować

Na putnikowanje z kolesom pod hesłom „Pohlady“ přeprošuje Smochčanske kubłanišćo swjateho Bena wšitkich zajimcow wot njedźele do njedźele, 22. do 29. septembra. Wšědne čary budu přerěznje něhdže 40 kilometrow dołhe a powjedu mjez druhim ke ikonowemu křižowemu pućej Drježdžanskeje wosady swjateho Hubertusa, do Łužiskeho rewěra kaž tež po slědach słowjanskeju japoštołow Cyrila a Metoda. Nawod změjetaj farar Thomas Cech a Alojs Rječka z Łužnicy. Přizjewjenja přijimuju hač do štwórtka, 30. meje. Link k tomu a k dalším informacijam je pod www.posol.de wozjewjeny.

Za putniku jězbu do Roma so přizjewić

Składnostnje Swjateho lěta 2025 přeprošuje Sakski katolski zwjazk za kubłanje dorosćenych (KEBS) zhromadnje ze swojim ewangelskim wotpowědnym zwjazkom na ekumenisku putniku jězbu z Drježdžan na Assisi do Roma. Wona wotměje so lětsa wot pónđzele do pónđzele, 30. septembra do 7. oktobra. Zaměr jězby je, perspektiwy w konteksće Europskeje unije pokazać kaž tež sakskej zjawnosći putnikowanje a pućowanje zbližić. Jězba je za tych myslena, kotřiž we wobłukomaj putnikowanje a pućowanje čestnohamtsce skutkuja. W Romje móža so wobdžělnicy mjez druhim na Božimaj službomaj z biskopom Heinrichom Timmereversom wobdžělić, ale tež Drježdžanskich kapałnikow dožiwić. Zajimcy měli so pola Sakskeje putniskeje akademije, Hłowna dróha 23 (Dom cyrkwy) w Drježdžanach, telefonowe číslo (03 51) 8 12 42 10, mailowa adresa erik.panzig@evlks.de, hač do 31. meje přizjewić. Nadrobne wopisanje jězby je pod www.posol.de wozjewjene.

Pytaja projektowego sobudźelaćerja

Sakski katolski zwjazk za kubłanje dorosćenych (KEBS) pyta ručež móžno wosobu, kotraž by so wo projekt „Synergetiski transfery rum Łužica“ (SynTraL) starała. Zwjazkowe ministerstwo za kubłanje a slědženje projekt spěchuje. Hač do 30. apryla 2027 wobmjezowane džěłowe městno je w Smochčanskim kubłanišću swjateho Bena. Štóž ma zajim, měł so pola Sebastiana Kieslicha přizjewić, telefonowe čisło (03 59 35) 2 23 13, mailowa adresa Sebastian.kieslich@bg-schmochtitz.de. Wobšěrne wopisanje džěłowego městna je pod www.posol.de wozjewjene.

Wo zelach a rostlinach

Smochčanske kubłanišće swjateho Bena přepróšuje wšitkich zajimcow na seminar pod hesłom „Mocy rostlinow – dźiwje zela, hojenske rostliny a drohotne esency“. Tón budže wot pjatka do njedzele, 7. do 9. junija. Přizjewjenja přijimaja hač do pjatka, 17. meje. Link je pod www.posol.de wozjewjeny.

Za přichodny kurs JuLeiCa so hižo nětkole přizjewić

Prěni džěl přichodneho wukubłanja JuLeiCa poskići Worklečanske dekanatne dušepastyrstwo za młodžinu wot pjatka do njedzele, 17. do 19. januara 2025, druhi wot 25. do 27. apryla 2025 w Smochčanskim kubłanišću swjateho Bena – stajnje z přenocowanjom a połnym zastaranjom. Zajimcy maja dopokazać, zo su so na kursu přenjeje pomocy wobdźělili. We Worklečanskim Don Boskowym domje sobotu, 15. měrca 2025, wotpowědny kurs přewjedu. Za wobdźělnikow kursa JuLeiCa je wón darmotny. Certifikat služi tež jako dopokaz za jězbnu šulu. Přizjewjenja přijimaja online. Link na wotpowědnu stronu je pod www.posol.de podaty.